

大清光緒廿六年

本館新聞除禮拜外每日出版一
紙外埠均可函致本館取
閱如外埠閱報加寄費不
也除日本英法各國探辦外
惜工本從優採辦各官紳
紙各機器以待與英法各
刊印書籍單件並有英法各
體活字及各式花邊等延有
西人排印工藝甚精所有中
印文字大小機器均用精工

第五千五百零七號

申報

(號七第牌門口武巴舊在設開館本)

印工級絕倫並延有文士書
寫各體文字現由上海購到
各種書籍出售其書目另行
刊佈所有各項價甚相宜再
本館所登來札原釋其有無
礙於人而後始錄其有謾罵
或文以及支離費解者概不
登錄嗣後諸君來札尚祈
自諒更須寫真爵里而後敢
將原稿收回也本館謹白

庚子二月廿四日

大英一千九百年四月三十號禮拜一 (仙登字每日常自告偶五張每售券圓壹月有)

延請教讀 ○啟者本館茲欲延請課讀漳音之塾師一位以育童蒙惟其人須品學兼優勤於訓
誨者方能就席倘諸君欲承斯乏請至本館面商便得此佈 本館謹啟


招僱花匠 ○啟者茲有人託覓漳泉之種花工匠一名其人須熟諳種植花木并不吸食洋烟惟
克勤克儉日以灌漑從事者方克勝任倘 諸君有欲承斯乏者祈至本館面商便得此佈 本館謹啟

論湖南匪徒刊佈電報煽惑事


國家有事之際一國之人從而屬目智者以其不可為而不為愚者以其不能為而不為此皆不與國事者
也有與國事者分兩種人一日義士二日亂民義士有救國之苦心血氣之勇靈為國流血而不悔亂民則
幸災樂禍乘國家有事揭竿起勢擄掠地方義士固絕不相類者也乃有時義士為亂民所愚亂民即
借義士以起事如今日報載湖南拿禁匪徒刊電報一事可得而論也自戊戌政變以後義士窮無所歸大
聲疾呼欲號召海內豪傑起圖大事以清君側為名以保皇會為義一日我四萬萬同胞再日我四萬萬同
胞其論中國之就衰言非不痛心意非不切齒惟其詆毀朝政之謬決定國家之亡皆作過火相豪之語上
怨江西滿陽山東各土匪鬧事彼則引而近之曰義兵膠州九龍廣州各西國劃界彼則藉以實之曰瓜分
怒毒之詞休休不已其意可悲其言實未善也夫國事至今日誠有如義士所言者然亦斷非口舌所能爭
意氣所能勝紙上空談所能挽回古之人抱澄清之志者皆待時而動世而我則當今之世舍我其誰世
不用我則有王者起必來取法去就仕隱之間渺焉一身何難位置乎其心皆忠義之心而其言皆怨毒之
言致使宇內無歸之流氓不法之士匪徒之輩動曰國將亡吾輩不可不救國 皇上將廢吾輩不可不救
皇上竊義名成亂舉去年 皇嗣之詔下湖北則有盜名揭帖者湖南則有抄錄電報張帖者而大刀等語凡
和紅燈諸會在山東直隸一帶聚散無常近日西報復載拳匪與華兵交戰又某營中頗有大刀匪等語凡
此之輩皆亂民也而在義士則不服審其亂不亂必視為是我同胞救國救 皇上者嗚呼其愚不可及也
湖南亂民刊佈中外電報隨地張貼語言無稽意在煽惑居民藉以起事此固斷斷為亂民斷斷非義士前
年湘省振興時務在籍紳士會請湘撫陳寶箴將凡有 上諭及緊要公文刊發曉諭令士民一體周知嗣
以庶民議事紛歧莫一仍復罷議夫一國之政事必有主持之人議之廷臣行之疆臣而小民第遵守而已
嘗讀論語民可使由之不可使知之二語竊謂孔子不應作此閉塞民智之語繼而思之無識之民妄議國
事亦煽惑人心作亂耳無怪孔子有不可使知一語至於今日朝政反覆誤國誤民誠難免於庶人之議然
一議不能救國救 皇上一議反致危國危 皇上邇月以來或拿問或監禁皆多議國事者也有道之君
子空言且無補況無識之小人造言生事哉竊謂天下之事緩急輕重之間不可無權衡而治亂存亡之際
尤不可無章法今日之事 皇上家事外人不必爭後世自有定論所最宜爭者仍是自強仍是維新自強
者強其身體強其學識人人成為自強之人而一國之根柢固維新者新其心思新其聰明人人成為維新
之人而一國之元氣復蓋謂自強維新以備作人才非謂維新自強以干預國政也不此之務徒作大言徒
發高議而其實並無自強之實維新之具反使亂民混入自強維新之中以為吾輩義兵欲從義士之後以
救 國家救 皇上者於是內地為之動搖百姓遭其荼毒致使中國不瓜分於外侮反糜爛於內患則彼
義士亦何苦再作大言再發高議授人以亂柄哉吾願義士勿為亂民所愚庶亂民不至借義士以起事地
方幸甚人民幸甚錄新聞報

諭旨恭錄 ○三月初六日奉 上諭本日召見之江蘇候補道錢德培著交軍機處存記以道員
用欽此○十二日奉 上諭是日召見之陝西陝安道高龍恩著開缺以四品京堂候補在宏德殿行走欽
此○同日奉 上諭四川候補道盛善著賞給副都統銜作為駐藏辦事大臣即行馳驛前往毋庸來京請
見欽此○十七日奉 硃筆聯元補授太常寺卿欽此○同日奉 上諭山西朔平府知府員缺著英華補
授欽此○同日奉 上諭陝西陝安道員缺著戴兆春補授欽此


馳名鐵樹發售



嘗思養生之道所最要者則惟飲食其次則惟銀兩然必須有以善藏始無意外此本行鐵樹所以為 諸翁之所共賞也啟者本行所賣之鐵樹久已馳名於東方一帶而於叻坡則聲名尤著至本行購買此等鐵樹已有三十年之久其製甚為堅固保能避火且其鑰匙甚妙斷非盜賊等所能開計其樹全身均用鐵製成並無雜以木料且諸樹自前至今均為一式堅固並無有優劣之分至於各樹大小不一而價值則約一百元至四百元凡用之者可保其不礙焚燒即遇意外火災亦無所損礙是以本行之鐵樹實為叻坡諸華商所喜購而本行每年所沽亦殊不鮮茲特為之錄佈倘 諸君有惠顧者祈即玉臨選購為盼 大英一千八百九十八年正月一號 大清光緒二十三年十二月十八日 明嗎也洋行謹啟



三品酒出售



啟者本行督辦歐洲馳名三品洋酒來叻發售其酒係白頭款式發售有年沽飲 諸君莫不稱其香美奈近有無恥之徒假冒本庄三品酒款式以圖魚目混珠殊殊可恨嗣後 諸君購買本行白頭三品酒者請細認本號招牌之內有小紙包頭註明華字新嘉坡明嗎也公司者始真若無此字樣即屬偽冒請為細認特此佈告 大英一千八百九十八年正月一號 明嗎也洋行謹啟

烏密酒發賣



啟者本行向由英國督辦各種美酒來叻發售久已遐邇馳名茲復由英新辦到頂爾士斗雲字號之狗頭票烏密酒到叻應沽此酒香美異常不惟飲之可口且能保養精神調和血氣常飲令人不生疾病誠酒國中上品也 諸君光顧應細看以上所列之狗頭標庶不致誤且價甚相宜倘 諸君有欲沽飲者請至本行取用可也此佈 英一千八百九十八年正月一號 光緒廿三年十二月十八日 明嗎也洋行謹啟

法國頂上蜂窠標萬蘭池酒發售




啟者茲本公司親由法國督辦頂上好萬蘭池酒來叻發售其酒清香濃郁醇厚異常飲之誠可令人長血氣壯筋骨悅顏色妙美無窮今市上所有萬蘭池酒無有能出其右者 誠佐饌中之妙品也 蓋此酒向惟本公司一家沽出餘無別家出售 諸君光顧請細認蜂窠標頭為記並細辨香味方不致誤價甚相宜倘有對份之癖者祈早移玉 惠臨購買是幸 大英一千八百九十八年正月一號 明嗎也洋行謹啟

密酒出賣



啟者本行由歐洲辦到上等密酒來叻發售其酒甚佳茲將標頭印出 諸君光顧祈為細認免致有誤近聞有無恥之徒假冒本行鎖匙標密酒出沽希圖魚目混珠最堪痛恨今本行再行核定於酒樽木匣內加鐵線鎖匙形以示分別倘 諸君有知何人假冒請到本行報明即謝花紅銀二百大元經官訊定即能給發斷不食言再此酒不能販往 加勝巴 三寶瓏 泗里末 望加錫 檳榔嶼 日裡等處其餘他埠均能運往並此佈聞 大英一千八百九十八年正月一號 光緒廿三年十二月十八日 明嗎也洋行謹啟

明嗎也洋行謹啟



換用烟包標識聲明告白

○啟者本號所製之六兩庄金山熟烟八兩庄石叻紅烟四兩庄生切芸蓼熟烟與及粗絲幼絲黃烟係不惜工本揀選正地道烟葉精工製造貨真價實故得中外馳名前經在香港稟准 英憲以金鹿為記註冊存案并經移行星架坡庇能般鳥等處一律註冊以杜假冒乃有無恥不法棍徒每以偽貨冒充本號招牌瞞人射利魚目混珠殊堪切齒屢經線人密報肯為引拿但本號向存厚道姑未深究今再於己亥年冬月換用新印所有包面包底招牌及包裡內票俱用鋼版刊印雕刻精緻花草玲瓏令人難以摹效真偽即可以立辨業已稟 官改册存案誠恐各埠紳商未曾週悉茲特叙明換印緣由通告遠近倘蒙 惠顧祈認明本號鋼印招牌與及內票庶不致誤如有仍將偽貨假冒本號新印牌票希圖射利者本號經已重出花紅購線拿捕若經捕獲定必送 官嚴辦決不輕饒勿謂言之不預也 再者本號烟包面招牌向用本地六刀紙有一水印影照便見此等水印紙亦有匪徒冒造今已一概不用自後本號烟包面招牌俱改用機器洋紙合併叙明統祈週知是荷

大清光緒二十六年三月十九日
星嘉坡中街朱有蘭謹啟

聲明告白

○特此通知諸仕商知悉因余前者入有新嘉坡王有海公司即順發號又順發棧 順昌 順昌發 實勝越龜精之順安號 仙那港順隆號之股份經於西一千八百九十九年俾不哇里月九號概行停止自是日之後該各號有與諸君往來交易以及數項等件一概與余無涉特此聲明

大清光緒廿六年三月十二日
大英一千九百年四月十一日
邱崇成謹啟

承頂聲明

○啟者新嘉坡溝仔墘第五號門牌怡合號海峽什貨生理原係許如宜自己開創今因許如宜擬娶榮歸梓里願將怡合號生理全盤并貨物家器招牌一切照與楊瑞標陳世寶等集股頂承經自本年三月初一日交易清楚自茲以後怡合號生理榮枯得失概與舊股人許如宜無涉倘許如宜有與 諸翁交易貨項借借銀元等惟向經手是問與承頂人楊瑞標陳世寶等無干特此聲明免滋後論

大清光緒廿六年三月十一日
大英一千九百年四月十號
承頂怡合號人楊瑞標陳世寶謹白

金雞

啟者此藥酒由德國皇家大醫生專心博考知有金雞鐵樹產自德國壽如松柏之年採其精華配提神益氣靈芝釀造而成昔年曾經呈送美國英國法國奧國俄國及天下諸大邦統計由各國皇家大醫士三百餘名考驗獎賜手書共三百餘緘統稱贊此酒之功治男男女女氣弱血虧精神困倦筋骨痠痛不思飲食胃口呆滯頭眩眼花心驚恍惚夜不成寐腎虧失調小便淋瀝如飯湯等症



鐵樹

請認此標為記

長寒發冷瘧症以及婦科月經失調或臨經腹痛病人愈後欠補有疾無疾皆可酌量而飲大能益精補髓更能治陽痿難舉之疾婦人飲之能令温和子宮養顏肥體永無疾病相侵本局開創經三十餘載歷來不惜資本盡心製煉藥水藥油藥酒丹膏丸散屢試屢驗而德君醫生保存心無論內外新奇難症請臨診視藥到春回貧者不過索回藥費概免謝儀倘蒙惠顧祈到本藥房選沽自當格外從廉此佈

光緒貳拾伍年七月初四日
西一千九百九十九年八月九號
新嘉坡土庫街德國神農大藥房謹啟

藥酒

遷移

啟者生在大日本帝國高等美術學堂精研刻苦曾于數年前卒業繪事邇來漫遊天下披瀝油漆畫水彩畫墨畫之法則畫面相風景花鳥等之繪精練諳熟此次來叻出所學以問世兼集志繪之士欲授生特得之妙今既已有數名及門弟專心精勵 諸君賜教請祈屈玉價甚從廉此佈



日本畫相遷移

白告

移寓當申律附近丹戎巴葛第六十六號門牌
大清光緒二十五年十二月十六日
鳥我哇利八郎謹白

輪船往來各埠

啟者茲本行有新造一號保險之堅固輪船一艘名曰馬夏各兒勝鬱常川由叻往來網略所有往返程途均在以下所列各埠經過以便附貨搭客茲將所過各埠列明如左

吉蘭丹 獅 大啤 宋卡 丁加勞
萬倫 耶宜 斯盆 萬打班 船內
一號二號三號之客廳陳設甚為雅潔而笨面客位亦甚爽潔整齊 諸君有欲附貨搭客者請至本行面商便安特此佈告

大英一千八百九十九年十二月十一號
大清光緒廿五年十一月初九日
明嗎也洋行謹啟

有銀出按

啟者本行常有銀出按與人典當第一次之物業諸君有欲請按者求玉臨本行面商便得再本行設在土庫海傍門牌第十九號與莫實得洋行爲鄰并此附佈

大英一千九百年三月十五號
大清光緒廿六年二月十五日
福蘭公司謹啟

中國通商銀行告白

朝廷之命為之創設 計集本銀五百萬兩 先行收取二百五十萬兩 總理處設在上海
本銀行又分設於廣東 芝罘 鎮江 福州 漢口 北京 汕頭 天津等處 本銀行所為生理乃買賣以上各地之單及代收
以上各處之匯項并電匯等件凡 諸仕商有物件按欲向本行請貸 及當單等件皆能如 命倘有欲將銀項寄存本行者亦屬格外有益茲
將本行所奉月息列明如左
三個月銀期者每月利息三八仙半
六個月銀期者每月利息四八仙半
十二個月銀期者每月利息五八仙半
大英壹仟捌佰玖拾玖年拾貳月拾貳號 大清光緒貳拾伍年拾一月初拾日 中國通商銀行駐叻代理人莫實得洋行謹啟

多惹士號 頂上 白漆 發售



啟者本行現由歐洲多惹士著名工廠寄到所製之頂上白漆發售此等漆料較諸各家所製之極品白漆未嘗稍遜荷蒙英國皇家及素著聲望之製造家并本坡各船澳時常購用莫不盛稱其妙因其物料既精製作既善而價值復廉故也 諸君有欲購買大起者可至本號駐坡代理人巴智申西疊洋行選購如係購買零星者則至本坡中西各索路店均可 諸君光顧請認多惹士字號方不致誤特此佈聞
大英一千八百九十九年十二月十二號
巴智申西疊公司謹啟


HAIG & HAIG CELEBRATED T. T. WHISKY

頂上著名威實基酒發客
啟者本行現承歐洲赫赫著名酒廠之命為駐叻代理人售賣知威實基酒 T. T. Whisky
此酒每箱十二枝計銀八元二角半每桶十五牙蘭每牙蘭計銀三元五角此酒乃係歐洲著名美酒氣味香醇濃而不燥又能消暑醒胃解渴除煩飲之令人頭不昏眩且無酒患蓋此酒并無燥烈之弊故常飲者能保養精神怡悅顏色在於南洋各地常飲此酒更屬相宜 諸君賜顧請移玉駕臨本公司選購可也特此佈告
大英一千八百九十九年十二月初十日
大清光緒二十五年十一月初十日
巴智申西疊公司謹啟

代理埃蘭爾申那 火燭保險公司告白

啟者茲本行承埃蘭之爾申那保險公司之命在於本坡代理火燭保險事宜該公司自一千八百二十二年創設以來經蒙天下諸仕商賜顧生理甚旺計該公司資本共有一百萬磅而所存之盈餘積項亦至五十餘萬磅之多至於保價格外公平叻地如遇火警則所保之項可以速即償交 諸君有欲賜顧者祈至勞民申路第三號門牌本公司寫字樓內面商便得特此佈告
大英一千八百九十九年十一月廿八號
大清光緒二十五年十月廿六日
致密實蘭直致禮憐公司謹啟

鐵櫃出賣



啟者本行所售之鐵櫃在本坡馳名已久素蒙 各君購用莫不盛稱其妙計此櫃之大小共有五種而價甚相宜此鐵櫃乃歐洲著名工師所製極為美善本坡所有西人齊習入以及作椒蜜生理諸華商多向本行沽買以為貯銀之用因本行所沽者均用頂上物料製造而成不惟能壯觀瞻並且異常堅固無論火燒盜劫均可無虞
貨美價廉莫此為甚倘 各君有欲購此櫃以收藏重寶者可至本行選沽此佈是幸
英一千八百九十八年正月十三號
不殺呼答公司即前加珍洋行啟

英打電音 ○本坡實得力太晤士西報接廿二日英京來電云英將勿刺登現已馳抵亞里華奴又據英京報接勿南非因匪電稱英營之馬匹及鞍轡等乘輿得接今勞總帥亦已戒備一切嗣又接倫敦電稱前電所云英將勿刺登行抵亞里華奴一事非屬確耗又云現在營中所有來往電信辦理較前尤加嚴密蓋恐有漏泄軍機之故來電又云營醫來台現蒙英皇特賜勇放寶星一顆因該營醫於高連蘇戰場捨死忘生以救受傷軍士故也

英電譯登 ○本坡實得力太晤士西報接廿二日英京來電云英皇太子現已言返倫敦當其由火車改乘馬車以赴馬校刺離宮之際居民見之贊采同聲迨經亞多那境時德皇車駕忽然遙至查德皇此行乃因英儲遇刺不中故特與其道賀一時諸人得聞此事莫不謂德皇能重姻戚之情蓋英儲之與德皇有舅甥之誼故也

亞山知電報 ○本坡實得力太晤士西報接廿二日英京來電云勞打探訪人現由亞加刺電稱英國戰艦羽乙兒安已由某處啓行載運士兵前往其地而西非洲總督現亦電致倫敦云近有別部又圖叛亂特請援救等語然聞麥柯士部之人則盡忠於英因被亞山知亂黨所攻該部之人陣亡者經至五百名之數矣

招工製造 ○本坡國家現經出示招人在於獄內特作專工其示已登報中覽之便悉

舍曰欲之 ○前月報記 皇太后 皇上擇期本月初七日移蹕頤和園一則茲接京友飛函述稱 皇太后以時事艱難非暇逸之候故有作為罷論之說不知確否容俟續報

老臣復用 ○據建業友人來信云省垣於初六日接到京電知正任兩江督憲劉制軍奉 旨仍回本任初七日又續接京電知劉制軍定於初八日請 訓初九日出都南旋

直晉婉諫 ○接北京消息云前任兩江督憲劉坤一進都後迭蒙 皇太后三次召見與議非常之事劉坤一竭力諫阻痛切陳說皇太后為之動容想此後不致再有異聞而光緒 皇上亦有親政之望矣

學堂落成 ○滇省奉 旨籌建武備學堂經松制軍督同司道勘得省城內翠海邊相地建造旋因地勢稍低易受潮濕復查有城中承華圃內左邊餘地甚多且係官地無須購買隨該司道等派委員弁鳩工庀材照各省堂舍之合式者與修共起建堂舍八十餘間亦可云大觀矣

女子國 ○倫敦報載俄國有屬地曰美哥屈支那該省分七府府設一尹通省七府上至於官下至輿臺隸役百工藝事靡市交易無不以女人為之入其都幾似西遊記所載女人國者但彼非無男子特閉之深閨從不使人一見若有露面則目為不貞其疑忌處比李十郎之防禁其奴更覺有甚男子亦甘於雌伏並不敢稍或逾閨市上偶有男子之跡皆他處人即本土人亦七八十龍鍾老態且已多年絕耦者其俗與他處相反如此洵可稱為女子國矣

紀德國學校 ○柏林京城亞細亞語學校學生計去年一月其額不過一百十八名然據本年一月報告書增加至於一百八十六名其中一百二名係法律家三十五名係學堂教習暨哲學後二十五名係商工業家十四名係官吏其餘十名係醫師暨神學生試就學科查之俄語學生三十四名亞刺比亞語學生二十三名支那語學生二十七名土耳其古語學生二十五名希臘語學生九名波語學生九名日本語學生八名其亞細亞語學中算入俄語學科者以俄國領土跨亞洲也

學士宏論 ○大阪每日新報主事人訪文廷式學士於旅寓通譯者謂之曰文君雖為政治家現下以政治之關係為避嫌來遊日本文君遂親抽出座右之哲學書類以暗示此次實為文墨之故觀光上國大隈伯嘗云文君於支那之主義漸進實改革派政治家也而其談論多主于學說及文墨涉於政治者甚稀云云文君又嘗與板垣伯會晤所論多哲學及宗教事其說透闢貫通于諸子百家該博有可驚人者君嘗自言曰諸家之學說皆有佳處均可節取如固守一派則不免失于固陋矣察君所學畧如私淑於鄭元康也者然其說心學之不可磨滅則曰支那將來心學必將勃然興起又評西人之哲學不免粗疏謂支那哲學之玄微精妙實足以誇負于世又曰兼通漢英學之日本人以西文繙譯支那哲學須細加參酌也談論踰時又由哲學涉及支那古今之人物其品評殊為平允又作應酬語始稍稍論及日本士人言甚委婉隱隱然示舉世滔滔好作空談而於身體力行多未著意君聞之肅然文君於旅中每宵讀書輒迄二點鐘連二三夜不見疲勞又嘗與日本名流五六家約開詩宴即時吟詠題出詩成毫不攔筆殊未見其苦心思索之痕跡詩藻學殖之富見之輒令人驚為奇才也雖然君本究心於政治之人材今其以政治為諱而託託於哲學及詩詞文章以見志亦可想見其心之苦矣

印度電樹 ○近有德國格致士在中印度處處驗得一樹不悉其何名葉長而厚樹本不甚堅通樹皆有電氣人或手執小鐵器而過相去七十尺遠便吸之去如為鬼奪也者天當晴午其氣更烈人或以手近之則如執電筒通身震動不能自已早晚間稍減雨後則竟似常樹細察之自梢至根無一蟲蟻敢依以為穴更無一飛鳥敢近畏其電也大抵此樹含有鐵質生根處適當地中之電太陽最盛之時樹木之吸力故

大電氣從之而升一雨而後枝葉有所滋潤樹之吸力緩而電氣亦緩故也然以木引電終覺少見矣

奇車洩見

○西報載法國近新製一種車名曰摩打用藥水以行者比之電車尤為靈捷最便於軍中之用想此車一出不獨平常之馬車可省將來各國陸師必全行改用矣設若以此車二十五乘送六萬人糧食於六十英里內十八點鐘可以竣事又以此車二十五乘欲運二十四頓鋼炮於十里之內則一夜可以竣事其捷且速實非近世新式諸車所可及者設若一千八百七十年普法之戰普人得此車以運糧械何須三個月半月方能圍法京哉當日普軍所運糧械者用馬二千匹牽車六十乘由普之密士地方而來勢如長龍不勝其煩重又易為敵人劫奪若此車之行動力勝於馬欲劫之何所施其力乎此又軍中必不可少者然則西人於電車之外又有所謂藥水車真覺巧莫能階矣中國古時原有飛車能馭空而行憶其時人類之智識簡樸不若今世之競爭故聖人不可以淫巧示民後人亦力守此腐說致自閉其腦智今日讓西人稱獨步耳紀氏言乾隆時有人製一快鎗琵琶形頃刻放三十餘出欲獻軍機有人以開殺機沮之後來此法竟失腐儒之見大都類此然則誰謂中國人之巧不如西人哉在導之與抑之為異耳

碗機失慎

○廿二夜一點鐘之際小坡一帶地方忽然嘩傳火警本館探訪人登即披衣往視則失火之處係亞兒巷第六十六號門牌福盛碗機一時火光熊熊沖上屋簷後經美芝路捕房聞耗即發德律風通知各救火局旋有水龍二架趕到灌息時已鐘鳴三點災後查悉該機已付諸一炬及其隣第六十七號門牌之興成碗機亦被燒去數盞但聞該機并未購有保險然則所失亦當不菲矣

圖竊不成

○本坡土庫花園邊之寶興銀行於廿二夜忽然差匪擄破其門并扭壞鎖頭三顆欲圖入而行竊幸適被守門之伎知覺高聲鳴捕諸匪因而遁去該行尚無所失爰即將情報案即經明暗總差前往查勘一切惟雖踏勘恐亦無從圖入而行竊幸也

痘瘡案錄

○叻產潮婦曾氏和娘年方三十六歲住居干拿北路第二號門牌近日忽染痘症至廿三晚六點半鐘忽然亡故後經第一號捕房及西醫到該屋查驗畢即判棺殮立刻收埋并將氏所有被褥衫襖等物携出街中付之一炬又將藥水遍洒其屋又派差嚴行把守不准有人出入蓋恐其傳染於人也

廿四日早堂公案

○本日巡理府提訊閩人張年扭控伊岳岳母閩婦陳孫氏及伊妻陳氏於案據稱向在小坡正興街某店為書記本年正月間娶陳氏為妻只有四十天之久月初二日氏云欲歸寧母家詎竟竊去洋銀一百七十九元而遁後余見氏數天不歸托人喚回則見氏已舉家遷徙遍查無着至廿三日聞氏母女欲付搭豐盛輪船言旋華海安鳴捕將氏母女拘回送案云云府尊命展至四月初二日再訊

○潮人潘奇朝請票拘獲同籍人許長茂於案據稱十九晚在老于脚被許等數人毆打將余左手折壞經入西醫院調治今余傷猶未愈惟票獲許一人到案云云府尊訊畢命展至四月初二日再訊許着覓人担保五百元保出在外候訊

○第三百七十六號一書差執控瓊人林開華於案據稱廿三早十點鐘加籠路有閩人郭可與林偶因細故打架郭竟被林行兇毆打嘴脣破裂爰特將林拘獲又將郭送至西醫院調治云云府尊命展至四月初二日再訊

○梧槽捕房總差執控第二百零二號一書差於案據稱前日梧槽路順成號舊器店閩人張愷家中被竊一案係由第二百五十三號巡差拘獲偷兒粵人陳亞琛送案追經訊定罰其監禁半年詎該差竟冒為已功實有欺瞞官長之罪云云府尊訊畢命將此案移交正堂由兩太守會訊

驗屍二則

○廿三日直落亞逸捕房巡差在舊巴貳前街查獲華巧之屍一具同日又在土庫後街某騎樓下再獲華籍工役之屍一具嗣由總差及西醫到場查驗明白以死者係因貧病而死與人無涉因判給棺殮埋

京報選錄

○頭品頂戴直隸總督奴才裕祿跪 ○奏為已革都司奉派拿賊妄報邀功請旨嚴懲恭摺仰祈 聖鑒事竊查光緒二十四年十月間接准山西撫臣來咨據大同鎮等報稱土匪張明亮等在張理豐鎮兩廳交界之區嘯聚滋擾搶劫商民咨請派隊會拿當經奴才飭令宣化鎮總兵陳飛龍派撥練軍前往嚴緝由該鎮派令管帶宣化練軍馬隊遊擊銜候補都司董太波帶往會緝旋據該管官稟報在內有馬洛四史化南張明亮等姓名隨至榆林糧煤窩內將高洛四拿獲並獲孫占榮安二成二名孫洛九張順均因被格受傷身死等情將葉洛四等五名解送交口北道飭發宣化縣收審訊據高洛四等各供並無為匪證據旋據史化南以岳從泰挾仇帶同練軍至伊家抄拿等詞控經萬全縣勘訊報經口北道移鎮總兵將充實眼線緝賊之岳從泰拿獲發縣實訊該管官即以道府庇賊不辦等情稟訴經奴才委候補道王仁寶前往查覆該管官原稟獲賊情形多有虛飾其史化南高洛四二名雖係盟單內所載惟盟單係屬賊身上搜出布包尚新查拿雖屬有因情節不無可疑當即將案提省札飭臬司督飭保定府詳切究訊隨經宣化縣鎮總兵陳飛龍稟報分派管官周得勝董太波等在萬全縣屬羊園溝地方將巨匪張明亮拿獲獲案訊據供並無與史化南結盟情事迨將該管官董太波調省訊供詞較展經奴才奏奉 諭旨將董太波革職審辦茲據藩司廷杰臬司覺羅廷雍詳稱該司等督同保定府知府沈家本訊明董太波當日督隊拿賊探聞張明亮在大公溝一帶往來窺擾經兵役張榮昌引薦從泰充當眼線行至萬全縣屬納令泉地方由鄉民指稱携帶洋鎗匪犯孫老九一名以其必屬匪黨將其正法即督隊

前進立派哨官張忠信帶兵到大公溝見有六人持械正向鄉民作擾上前捕拏該匪等持械抗拒當經開鎗格鬥四人逃逸一人拏獲張順一名因已受格傷將其正法董太波以係奉委糾拿張明亮既捕有抗拒匪徒可以希冀邀功即捏稟途遇張明亮接仗獲勝各情節詞稟報其紅布盟單實係張榮昌所交得盟單內之高洛四史化南等均在榆林檳榔地方即帶兵在該處煤窰將高洛四拏獲並派兵至史化南家查拏並獲葉落四白三子孫占榮安二成等四名均帶回宣化由鎮送道發縣審訊至盟單是否真偽據供未能詳察實係辦事粗疏訊拏從秦據供與史化南爭地素有仇隙因官兵捕拏張明亮商同張榮昌假造盟單希圖陷害史化南憾忿並將素有仇隙之高洛四一併列入由張榮昌呈交董太波派勇前往史化南家抄拿各情不諱查該犯岳從秦尚有糾夥執持洋鎗等械招人勒贖得匪重案應歸另案從重懲辦分別開釋一犯前往宣化縣供有另犯竊劫之案旋即在監病故應由該縣嚴密辦理其葉落四孫占榮安二成白三子等業經訊非匪類應即分別開釋由司擬詳請核辦前來奴才查已革都司董太波奉派緝拿巨盜張明亮在大公溝地方經哨官張忠信帶隊於滋擾鄉民抗拒官兵各匪弁不據實稟報輒捏稟遇賊張明亮匪眾捕拏獲勝希圖邀功其拿獲帶有洋鎗之孫老九及拒捕格傷之張順二名又不能交地方率行在營正法亦未據實稟報甚至眼線營勇假造盟單不察核實偽即令按單捕拿種種荒謬實屬任性妄為難得將巨匪張明亮拿獲其情罪仍屬功有抵過僅擬革職不足示懲相應請旨將已革都司董太波發往軍台効力贖罪以肅軍紀大公溝地方擊斃之四人員委員訪查實係外來游匪其夥眾持械滋擾毫無忌憚迨官兵捕拏猶敢抗拒當場格殺律得無論帶隊之哨官張忠信尚無不合應請毋庸置議董太波所獲之孫老九張順等二名一由鄉民指獲一係當場捕拏均屬匪徒本干律擬查訊並無挾嫌誣拿別情業已身死應毋庸議再欽奉上年九月二十六日上諭給事中馮錫仁奏宣化鎮標董占魁一案該總兵合糊審訊至今未結著按照所恭審訊懲辦等因欽此查宣化鎮標董占魁其人似即指董太波而言此案未由宣化鎮審辦該總兵並無合糊未結情事應毋庸議除飭嚴緝逸犯張榮昌務獲究辦外理合恭摺具奏伏乞 皇太后 皇上聖鑒訓示謹 奏奉 硃批另有旨欽此

賑捐局啟 ○啟者本局現定于四月初旬將春季所收之捐彙報總局請領部照 請君有志顯揚者請速至十八間榮豐行單邊街文行堂趁此彙案之時趕緊報捐將來部照一定早得頒發幸勿觀望自誤此佈
光緒二十六年三月二十四日 勸辦湖北江蘇江西等省賑捐局啟

大英欽命新嘉坡輔政使司 為招人投票事照得本國家現有工役欲招人入票亦充為此示仰商民人等一體知悉汝等有欲承充是役者可於西一千九百年冥月四號即華四月初六日以前入票投交本署以憑選擇其所作之工
係在新嘉坡牢獄內特作專工

如欲知其詳細情形及圖式者除禮拜外每日由上午十點鐘起至下午四點鐘止均可至營造司署向其大才副查詢凡投票者其票外必須寫明投交本署充當某項工程字樣並須向營造司署大才副取討印便之票照式填寫方能合用至於棄取之權任由國家裁奪各宜踴躍慎毋觀望特示
大英一千九百年四月廿三號 大清光緒廿六年三月廿四日 示

退股聲明 ○啟者松栢街口大馬路門牌第一百九十七號裕興號布衣店原係林崇雲藍資臣藍吉祥等合夥經營茲因藍資臣藍吉祥二人志欲別圖願將自己名下股份頂與林唐階承受全請公親袁奮初羅運安劉春榮賀振興四位老爺駕臨核算估價經已交易清楚而藍資臣藍吉祥之股份亦即割歸與林唐階管業他日該號生理盈虧均係林崇雲與林唐階之事倘該號有與各寶號往來交易及借揭滙對等數惟經手是問均與退股人藍資臣藍吉祥等無涉先此聲明以免後論
光緒二十六年三月廿日 退股人藍資臣藍吉祥謹啟

敬頌良醫 ○啟者余因近來身子虛弱勞力過甚致染虛癆咳嗽之病遍請醫士治之不效勢在危急幸蒙 吳錦堂先生賜我良方藥到春回三四劑經已全愈茲余荷先生之德無以為報特附報紙以揚其名先生現寓舊峇釐街福再盛內門牌第四十五號告請同病諸君俾知所問津焉專此啟
大清光緒貳拾陸年叁月拾玖日 車務局書吏林龍旺拜頌

卦命如神 ○古城會館靈三才先生今之京管也善決休咎靈應如神余去年置有中舡一艘往來荷屬之石馬丁宜近聞該處有中舡遇風沉溺之事不勝憂疑爰往求卜於 先生據云此係他人之船決不干於已事既而果獲平安無恙又前日有兩輪船在峇眼礁沉之事余有感屬附搭該船恐遭不測亦詣 先生求卜又決其平安無事不日即能返叻迨昨余戚果返是皆可見 先生卜筮之神并聞 先生精於堪輿更有西學度數表能正方向且世異術實斯世之奇人也爰誌數言以告世之欲知休咎者

大清光緒二十六年三月十三日